



GUERZ

EN HENOR DA ZANT CADO,

ESCOP HA MERZER,

*Composest gant Efflam l'HOSTIS, a
baros Plestin, en bla 1776, ha te-
get da imprima gant unan e vugale.*

Var don GUERZ SANT EFFLAM.

1.

PELL a so em boa bet esper
Da lacat lot deus ma amser,
Da seriva eur Cantic breton,
Agreabl da bobl ar c'hanton.

2.

Christenien deus a Plouillo
Bezomp fidel da Sant Gado,
Goulennomp dre he brotection
Ma vo grāc Doue n'hon c'halon.

3.

Rac se emeus sonjet erfin
E vige util ma dessein
Trey a gallec e brezonec
Eun histoar caer a meus cavet.

4.

Clêvet o heus a boe pell so
Coms deus an autre Sant Cado,
E viraclo nac e vuez
Biscoas no heus clevet ane.

5.

Me a houlen graç an Drindet
Da discleria dar Vretonet,
E vuhe santel er bet mân
Ma halfomp ol e imitân

6.

Guillelmus voa e tad hanvet
A raç Constantin voa savet,
Gudalusa ret deus e vam,
Merc'h da eur Roue a Irland.

7.

Eun hermit a oa tost dar vro
Elec'h ma oa ganet Sant Cado,
A deu de glasq da vadei,
Ac e tud prest da consanti.

8.

Couscoude e voaint payanet,
Mes Doue en deus permetet
Evit e gloar o inspiran
Da lacat badei ar Sant man.

9.

Pa voa deut Sant Cado en oat,
E falveas neuse d'e dad
E lacat prest da commandi
E armeo, a do regli.

10.

Sant Cado na euteure quet
Combati evit treo ar bet,
Guel voa gantan quittat e vro,
E dad, e vam, ac e vado.

11.

Ep gout de dut e sortias,
Ac en desert ec'h antreas,
Eno voa eun hermit santel
Da Doue serviger fidel.

12.

En pad daouzec vla e chomas
Gant an hermit en hermitach,
Occupet en de ac en nos
Da honit gloar ar barados.

13.

An hermit a gas ar Sant man
Eun de da guerhat dean tan
Da eul logen dar bastoret
A voa o vessan an denvet.

14.

Ar coquinet a lar dean
Penos n'en dije qet a dan
Nemert e lacat a rage
Da gas gantan en e ascle.

15.

Ar Sant leun a humilité
A laea glaou en e ascle,
Da gas de vest mat an hermit
Ep drouc de gorf na de habit.

16.

Neuse voe galvet eur sorcer,
Eur magicien, eun trompler,
Ar mest pastor a fell dean
En e hermitach e lasan.

17.

Mes Doue en deus permettet,
Dal var ar plas ma voe rentet,
A perclus e ol isili
Ep gallout en em remui.

18.

Ar Sant leun a commpassion
Pa er cléo o houlen pardon,
A yes en oreson fervant
Ma voe gret yac'h en eun instant.

19.

Ar Prins Polentus o clevet
Ar miracl bras man en deus gret,
A roas eur canton dar Sant
En douar Sobrin en presant.

20.

Eno e heure batissan
Eur gouent neve ar gaeran
Elec'h ma heure eur miracl
A so meurbet considerabl.

21.

Unan deus an artisanet
Gant ar re al a oe laset,
Goude en en toljont er stanc.
Pebes malheur dan dut mechant!

22.

Sant Cado en ressussitas
E meas ar stanc en en tennas.
Dre e beden e teu Doue
Da rei d'e-man ar vuhe.

23.

Pen devoe e gouent peuplet,
En pelerinach en bet het

**Da Scos da Ilis Sant Andre
À so mignon bras da Doue.**

24.

Goude men devoa gret eno
Eun nombr bras deus a viraclo,
Ebars en Frans en em rentas,
À Sant Goar a saludas.

25.

Neuse ar Sant a antrepren
Mont ive da Jerusalem,
Dar plas en pini e oa bet
Crucifiet Salver ar bet.

26.

En Itali en em rentas.
Da dreid ar Pab Yann e pocas,
Seis vla e voe en e veach,
Mes de gouent e retornas.

27.

Pa voa Sant Cado en oreson,
E sant desir en e galon
Da vont ive en Breis-Isel
Evit presec an aviel.

— 7 —

28.

En Breis-Isel eo disquennet
Gant cals a Religiuset,
En eun enes eo arruet,
Ebars en Escopti Guenet.

29.

An enes se a voa carguet
A serpantet, a leonet,
Mes a guichen ma antreas,
Nicun anese ne chomas.

30.

Eno e heure batissan.
Eur gouent neve arogaeran,
En pini e canet nos de
Meulodi dan Autrou Doue.

31.

Tremen a heure adare
En Itali dre urs Doue,
Ahaveet voa dre ar vro
Dre ar brud deus e viraclo.

32.

Dre se Sant Cado er vro se.
A voe gret escop ep dale,

Lequet voe da Escop ar Sant
Ebars er Guer a Benevant.

33.

Gouvern a re e Escopi
Gant madeles a gant sourci,
Bea voa squer, a sclerigen
Dar bopl, a dan ol veleyen.

34.

A boe pel bras an Den Santeil
En devoa desir da vernel,
A da gaout eur maro evrus
O scuil e voat evit Jesus.

35.

Doue a sellaou e beden,
A accord dean e houlen ;
Eun Æl, en assur, deus an ne,
Penos e varvo ep dale.

36.

En amser se, ar barbaret.
A re eun distruch bras meurbet,
Q ravagi partout ar vro
A var ar meas, ac er querrio.

37.

Eur vanden deus an dut mechant
A deu dar Guer a Benevant,
En esper contanti o hoant
Dre cals a aour a dre arc'hant.

38.

Ar Sant erve e ordinal
A ya de Ilis Cathedral
Ac en em dispos da laret
E ofic ac e ofern bret.

39.

Pa voa an ofic commanset,
Ar barbaret so antreet,
Unan ane digonscians
A las ar Sant gant eun tol lans.

40.

Chetu penos e voe laset
Sant Cado gant ar barbaret;
Recevet en deus en envo
Ar recompans deus e euvro.

41.

Rac ar Sant voa tad ar bewien
Pere voa e heritourien,

Tud clan carguet a c'houliou
Voa mignonet da Sant Cado.

42.

Dre drue a compassion
En em leque en oreson,
Obten a re digant Doue,
Yec'het dan dut affliget se.

43.

Rac se pa man breman er gloar
En deus hoas moin deus a pouar,
Diredet ol tud affliget
Ac e recefet ar yechet.

44.

Mes hui pere nen doc'h quet clan,
Bet recours ive dar Sant man,
Goulennet dre e verito
Ar pardon deus o pehesio.

45.

Ebars en paros Plouillo
Emedi Chapel Sant Cado,
Retablisset eo a neve
Gant aluzen en dud a fe.

46.

Ar sul divea à Ebrel
E man ar Pardon er Chapel
Pehini so dàrempredet
Gant cals deus a belerinet.

47.

An nombr bras a viquillenno
A so en Chapel Sant Cado
E discoe ec'h obten ar Sant
Da cals a dut soulageamant.

48.

Eun dra vat ac util ouspen
Eo evidomp ol, Christenien,
Bea devot da Sant Cado,
A dar Sent al so en envo.

49.

Mes ne quet avoalc'h quement se
Evit sauvetat on ine,
Ret eo beva parfetamant
Erve veuio or badeyant.

50.

Dar veuio se mar domp manquet,
Ober pinigen a so ret,
Ac ober eur binigen vat
A vo da Doue agreab.

51.

**Greomp eta ar mad bepret,
Evel Sant Cado binniguet,
Evit meuli gantan Jesus.
En eternite evurus.**



E Montroulez, eus a Imprimeri LÉDAN.